

Sesi khas PM, ketua kerajaan mulakan LID

Laporan

MOHD. NOR SAMAD, ASUKI ABAS dan ROSNI HASSAN

LANGKAWI 1 Ogos — Dialog Perkongsian Pintar - Global 2002 bermula hari ini dengan sesi khas perbincangan melibatkan Perdana Menteri, Datuk Seri Dr. Mahathir Mohamad dan ketua-ketua kerajaan serta rakan Pakatan Komanwel Bagi Pengurusan Teknologi (CPTM).

Perdana Menteri yang merupakan penaung dan tuan rumah Global 2002 adalah salah seorang pengantara dalam sesi khas yang diadakan di Pelangi Beach Resort, Pantai Cheang itu.

Sesi dialog selama empat hari bermula hari ini dengan tema *Ke Arah Dunia Yang Lebih Pintar Meningkatkan Keselamatan dan Kemakmuran Untuk Pembangunan Melalui Perkongsian Pintar* dihadiri oleh 18 ketua kerajaan.

Di antara ketua negara yang menghadiri Global

2002 ialah Presiden Namibia, Dr. Sam Nujomo, Presiden Rwanda, Paul Kagame, Presiden Sudan, Omar Hassan Ahmad Al-Bashir, Perdana Menteri Lesotho, Pakalitha Bethuel Mosisili, Perdana Menteri Mauritius, Sir Aneerood Jugnauth dan Presiden Zimbabwe, Robert Mugabe.

Pemimpin-pemimpin utama lain ialah Timbalan Presiden Afrika Selatan, Jacob Zuma. Naib Presiden Uganda, Dr. Specioza Wandira Kazibwe, bekas Presiden Botswana, Sir Ketumile Masire, Menteri Kewangan dan Pembangunan Perancangan Botswana, Baledzi Gaolathe.


Kemakmuran

Kira-kira 450 peserta daripada 36 buah negara menghadiri dialog yang diadakan bagi membuka jalan untuk membolehkan negara pesertanya mencapai keamanan, keselamatan dan kemakmuran bersama melalui perkongsian pintar.

Timbalan Perdana Men-

teri, Datuk Seri Abdullah Ahmad Badawi, Menteri Tenaga, Komunikasi dan Multimedia, Datuk Amar Leo Moggie, Pengerusi Eksekutif Kumpulan Utusan, Tan Sri Kamarul Ariffin, Ketua Eksekutif Telekom Malaysia Bhd., Datuk Dr. Md. Khir Abdul Rahman dan Pengerusi Technology Resources Industries Bhd., Datuk Dr. Munir Majid turut menjadi pengantara dalam sesi dialog itu.

Isteri Perdana Menteri, Datin Seri Dr. Siti Hasmah Mohd. Ali, juga akan mempengerusi sesi khas mengenai isu sosial.



Dialog kali ini juga diha-diri oleh wakil Kelab 29 yang mewakili usahawan dan profesional muda yang diharap dapat menyumbangkan idea yang bernas dalam dialog perkongsian pintar ini.

Global 2002 akan mem-beri tumpuan terhadap isu keganasan, ekonomi global dan beberapa masalah sosial lain yang mana perbin-cangan itu diharap dapat memanfaatkan negara-negara membangun untuk kemajuan bersama dalam pembangunan.

Dialog Antarabangsa La-ngkawi 2002 (LID 2002)

esok akan dibahagikan ke-pada dua sesi iaitu perta-ma *Meningkatkan Keselamatan Antarabangsa* dan kedua, *Meningkatkan Kes-tabilan dan Kemakmuran*.

LID 2002 adalah antara komponen Global 2002. Dua lagi ialah Dialog Anta-rabangsa Selatan Afrika (SAID) dan Dialog Anta-rabangsa Timur Afrika (EA-ID).

Empat bidang utama yang akan dibincangkan pada sesi pertama ialah membentuk keselamatan antarabangsa, memahami kebudayaan untuk komu-nikasi yang lebih berkesan, mengurangkan ketidak-tetapan transaksi kewang-an dalam sistem kewangan antarabangsa dan mengu-ruskan peralihan dalam pembangunan ekonomi.

Sesi kedua pula meliputi perbincangan pencapaian pertumbuhan bersama un-tuk kemakmuran berterus-an, membangunkan sum-ber manusia dan penguru-san kesihatan.